



Նախագահ Դիտեր Տ. ՈւխտորՖ

Առաջին Նախագահության
Երկրորդ Խորհրդակա

Լցրեք աշխարհը Քրիստոսի սիրով

Սուրբ Ծննդյան մասին մտածելիս, մենք հաճախ մտածում ենք նվերներ տալու և ստանալու մասին: Նվերները կարող են սիրված ավանդության մասը լինել, դրանք սակայն կարող են նաև նվազեցնել այդ օրերի պարզ նշանակությունը և շեղել մեզ մեր Փրկչի ծնունդը իմաստալից ձևով նշելուց:

Իմ անձնական փորձից գիտեմ, որ ամենահիշարժան Սուրբ ծնունդները եղել են նրանք, որոնք առավել համեստ են եղել: Իմ մանկության նվերներն իհարկե համեստ էին, դատելով այսօրվա չափանիշներով: Երբեմն ես ստանում էի ձևավորված վերնաշապիկ, մի գույգ ձեռնոց կամ գուլպա: Հիշում եմ մի հատուկ Սուրբ ծնունդ, երբ եղբայրս ինձ նվիրեց իր ձեռքով պատրաստած փայտե մի դանակ:

Սուրբ ծնունդը իմաստալից դարձնելու համար թանկ նվերները պարտադիր չեն: Հիշում եմ մի պատմություն, որը պատմել էր Երեց Գլեն Լ. Ռուդը, ով 1987-1992թթ. ծառայել է որպես Յոթանասունական: Տարիներ առաջ, երբ նա եպիսկոպոսի պահեստի տնօրենն էր, Սուրբ ծննդյան նախօրեին իր եկեղեցական ղեկավարից տեղեկացավ իրենց քաղաք տեղափոխված մի կարիքավոր ընտանիքի մասին: Երբ գնաց այցելելու նրանց փոքր բնակարանը, տեսավ 10 տարեկանից փոքր չորս երեխաներով մի միայնակ երիտասարդ մոր:

Այդ ընտանիքն այնքան շատ կարիքներ ուներ, որ այդ Սուրբ ծննդյանը մայրը չէր կարող նվերներ գնել իր երեխաների համար, նա չէր կարող նույնիսկ

տոնածառ գնել: Եղբայր Ռուդը զրուցեց ընտանիքի հետ և իմացավ, որ երեք փոքր աղջիկները կուզենային տիկնիկ կամ խաղալիք կենդանիներ ստանալ: Երբ նա հարցրեց վեցամյա որդուն, թե ինչ կցանկանար նա, սովահար տղան պատասխանեց. «Կուզենայի մի ափսե վարսակի շիլա»:

Եղբայր Ռուդը խոստացավ տղային վարսակի շիլա և գուցե էլի ինչ-որ բան: Ապա նա գնաց եպիսկոպոսի պահեստ, վերցրեց մթերքներ և այլ պարագաներ, որոնք կբավարարեին այդ ընտանիքի անմիջական կարիքները:

Այդ առավոտ մի մեծահոգի Վերջին Օրերի Սուրբ իրեն 50 դոլլար էր տվել «որևէ կարիքավորի» օգնելու համար: Վերցնելով այդ 50 դոլլարը Եղբայր Ռուդը գնաց Սուրբ ծննդյան գնումներ կատարելու իր երեք երեխաների հետ միասին, որպեսզի նրանք օգնեին իրեն այդ կարիքավոր երեխաների համար խաղալիքներ ընտրել:

Մեքենան լցնելով ուտելիքով, հագուստով, նվերներով, տոնածառով և տոնական զարդարանքներով, Ռուդերը գնացին այդ ընտանիքի մոտ: Նրանք օգնեցին այդ ընտանիքի մորը և երեխաներին տոնածառը զարդարել: Ապա նվերները դասավորեցին տոնածառի տակ և տղային տվեցին վարսակի շիլայի մի մեծ պարկ:

Մայրը արտասովոր էր, երեխաները ուրախ էին, և նրանք միասին Սուրբ ծննդյան երգեր երգեցին: Այդ օրը ճաշի սեղանի շուրջ հավաքվելով, Ռուդերի

ընտանիքը շնորհակալություն հայտնեց, որ հնարավորություն ունեցավ Սուրբ ծննդյան ուրախությունը պարզելու մեկ այլ ընտանիքի, և օգնեց մի փոքր տղայի ստանալ մեկ ափսե վարսակի շիլա:¹

Քրիստոսը և նվիրելու ոգին

Մտածեք, թե ինչ հասարակ, բայց միևնույն ժամանակ արժանավայել ձև էր ընտրել մեր Երկնային Հայրը Իր Որդու ծնունդը պատվելու համար: Այդ սուրբ գիշերը հրեշտակները հայտնվեցին ոչ թե հարուստների, այլ հովիվների: Մանուկ Քրիստոսը ծնվեց ոչ թե պալատում, այլ մտրում: Նա փաթաթված էր ոչ թե մետաքսե կտորով, այլ խանձարուրներով:

Այդ առաջին Սուրբ ծննդի պարզունակությունը նախանշեց Փրկչի կյանքը: Թեպետ նա ստեղծել էր աշխարհը, քայլել վսեմաշուք և փառահեղ տերություններում, կանգնել Հոր աջ կողմում, բայց Նա աշխարհ եկավ որպես մի անօգնական մանուկ: Նրա կյանքը համեստ ազնվականի օրինակ էր, և Նա քայլեց աղքատների, հիվանդների, վիատվածների և բեռնավորվածների մեջ:

Նա Ինքը լինելով թագավոր, չէր փնտրում մարդկային մեծ համբավ կամ հարստություն: Նրա կյանքը, խոսքերը և ամենօրյա գործերը դարձան հասարակ, բայց կատարյալ արժանապատվության կոթողներ:

Հիսուս Քրիստոսը, ով կատարելապես գիտեր ինչպես պետք է տալ, մեզ համար տալու օրինակ ծառայեց: Նրանց, ում սիրտը ծանրացած է միայնակությունից և վշտից, Նա բերում է կարեկցանք և սփոփանք: Նրանց, ում մարմինը և միտքը չարչարված է հիվանդությունից և տառապանքից, Նա բերում է սեր և ապաքինում: Նրանց, ում հոգիները կքված են մեղքի ծանրության տակ, Նա բերում է հույս, ներում և փրկագնում:

Եթե Փրկիչը մեր մեջ լիներ այսօր, մենք կգտնեինք Նրան այնտեղ, ուր միշտ Նա էր՝ ծառայելով հեզերին, վիատվածներին, խոնարհներին, հուսալքվածներին և հոգով աղքատներին: Այս Սուրբ ծննդյան օրերին և միշտ, թող որ մենք տանք Նրան՝ Նրա պես սիրելով: Թող որ մենք հիշենք Նրա ծննդի, նվերների և կյանքի խոնարհ արժանապատվությունը: Եվ թող որ մենք

բարության, գթասրտության և կարեկցանքի պարզ գործերով լցնենք աշխարհը Նրա սիրտ և բուժիչ գործության լույսով:

ՀՂՈՒՄ

1. Stu Glen L. Rudd, *Pure Religion: The Story of Church Welfare since 1930* (1995), 352-53; տես նաև Glen L. Rudd, "A Bowl of Oatmeal," *Church News*, Dec. 2, 2006, 16:

ՈՒՍՈՒՑԱՆՈՒՄ ԱՅՍ ՈՂԵՐԶԻՑ

Նախագահ Ուիլյոյրֆն ուսուցանում է, որ մենք պետք է հետևենք նվիրելու Փրկչի օրինակին: Կարող եք խնդրել նրանց, ում դուք այցելում եք, հերթով նշել այն նվերը, որ Փրկիչը տվել է իրենց, և քննարկեք, թե ինչպես կարող են նրանք այդ նվերն օգտագործելով ծառայել մարդկանց: Օրինակ, եթե անդամն օրհնվել է երաժշտական կրթությամբ, նա կարող է գնալ և Սուրբ ծննդյան երգեր երգել իր հարևանների համար: Կարող եք առաջարկել նրանց, ում այցելել էք, ծնկի իջնել աղոթքով և ոգեշնչում խնդրել այն մասին, թե ինչ նվերներով, ինչպես և ում հետ կարող են կիսվել: Հետևեք ձեր ստացած ոգեշնչմանը:

ԵՐԻՏԱՍԱՐԴՆԵՐ

Սովորեք մյուսների փորձից

Նախագահ Ուիլյոյրֆն անձնական փորձի մասին խոսելով ուսուցանում է, որ «ամենահիշարժան Սուրբ ծնունդները կարող են լինել նրանք, որոնք առավել անշուք են»: Մենք կարող ենք այնքան շատ բան սովորել ավագ սերնդից. շատերն անցել են պատերազմի ժամանակներով, գործազրկության, հիվանդության կամ այլ փորձությունների միջով: Խնդրեք ձեր ծխի կամ ճյուղի տարեց անդամներին պատմել իրենց համար առավել իմաստալից Սուրբ Ծննդյան մասին: Կարող եք գրի առնել նրանց պատմությունները: Աշխատեք սովորել նրանց օրինակից՝ Սուրբ ծննդյան օրերին կենտրոնանալով անկեղծ ծառայություն մատուցելու և Փրկչին հիշելու վրա:

Նվերներ Հիսուս Քրիստոսից

Որոշ մարդիկ տոնաձանն օգտագործում են Հիսուս Քրիստոսի ծնունդը նշելու համար: Երբեմն մարդիկ մյուսների համար պատրաստած նվերները դնում են տոնաձառի տակ: Ի՞նչ նվերներ է տվել ձեզ Փրկիչը: Նկարեք ձեր տոնաձառը և ծառի տակ հինգ հատ նվեր: Կարդացեք ստորև տրված սուրբ գրությունները և յուրաքանչյուր սուրբ գրության համար մեկ նվեր ներկեք: Դուք կարող եք ի պատասխան նվերներ տալ Հիսուսին՝ օգնելով ուրիշներին:

Սաղմոս 33.6

Հովհաննես 14.27

Հովհաննես. 15.9

2 Նեփի 2. 8

3 Նեփի 15. 9

© 2014 by Intellectual Reserve, Inc. Բոլոր իրավունքները վերապահված են: Տպագրված է ԱՄՆ-ում: Անգլերենի հաստատումը. 6/14: Թարգմանության հաստատումը. 6/14: *First Presidency Message, December 2014*-ի թարգմանությունը: Armenian 10872 201



Հավատք, Ընտանիք, Սփոփանք

Հիսուս Քրիստոսի աստվածային առաքելությունը. Խաղաղության իշխան

Աղոթքով ուսումնասիրեք այս նյութը և ձգտեք հասկանալ, թե ինչով կարող եք կիսվել: Ինչպե՞ս կարող է Փրկչի կյանքի ու առաքելության մասին հասկացողությունը մեծացնել ձեր հավատքը Նրա նկատմամբ և օրհնել նրանց, ում մասին հոգ եք տանում այցելությանը ուսուցանման միջոցով: Լրացուցիչ տեղեկության համար, այցելե՛ք՝ reliefsociety.lds.org:

Սա Այցելող Ուսուցիչների Ուղերձների այն շարքից է, որը նախատեսված է Փրկչի առաքելության տարբեր ոլորտներին:

«Փրկչն իրական խաղաղության աղբյուրն է,- ասել է Երեց Քվենթին Լ. Քուքը՝ Տասներկու Առաքյալների Քվորումից,- Կյանքի փորձություններով հանդերձ՝ Փրկչի Քավության և Նրա ողորմածության շնորհիվ, արդար կյանքը կպարզևատրվի անձնական խաղաղությամբ»:¹ Գիտակցելով, որ Հիսուս Քրիստոսը Խաղաղության Իշխանն է, մենք ներքին խաղաղություն կգտնենք և կմեծացնենք առ Նա մեր հավատքը:

Հիսուս Քրիստոսն ասել է. «Այս բաները խոսեցի ձեզ հետ, որ ինձանում խաղաղություն ունենաք. աշխարհումը նեղություն կունենաք. բայց քաջացե՛ք, ես հաղթել եմ աշխարհին» (Հովհաննես 16.33): Այդ ճշմարտության մասին իր վկայությունը բերելով, Սփոփող Միության գերագույն նախագահության երկրորդ խորհրդական Լինդա Ս. Ռիվսն ասել է. «Տերը ողորմած գտնվեց

իմ հանդեպ՝ օգնելով թեթևացնել իմ բեռը: Նա օգնեց ինձ մեծ խաղաղություն գգալ»:²

Տասներկու Առաքյալների Քվորումից Երեց Ռիչարդ Գ. Սքոթն ուսուցանել է. «Խաղաղության համար կատարյալ վայր կարող է հանդիսանալ մեր տունը, որտեղ հնարավորինս ամեն ինչ արել ենք Տեր Հիսուս Քրիստոսին կենտրոնում պահելու համար»:³

Լրացուցիչ սուրբ գրություններ

Եսայիա 9.6; Ղուկաս 2.14; Հովհաննես 14.27; 1 Նեփի 13.37; Վարդապետություն և Ուխտեր 59.23

Սուրբ գրություններից

Եսայիան մարգարեացավ Հիսուս Քրիստոսի՝ Խաղաղության իշխանի ծննդի մասին (տես Եսայիա 9.6): Հինգ տարի անց Ամերիկաներում Սամուել Լամանացին պատմեց Քրիստոսի ծննդին զուգորդող նշանների մասին (տես Հելաման 14.3, 5): Երբ մարգարեացած օրը եկավ, անհավատները սպառնում էին

պատժել բոլոր քրիստոնյաներին, եթե այդ նշանները ի հայտ չգային: Նեփի մարգարեն «ուժևորեն աղաղակեց առ Տերը՝ ամբողջ այդ օրը. և ահա, Տիրոջ ձայնը եկավ նրան՝ ասելով. . . . Էզուց ես գալիս եմ աշխարհ» (3 Նեփի 1.12–13): Նշաններն ի հայտ եկան, և Քրիստոսի ծննդով «ժողովուրդը սկսեց կրկին խաղաղություն ունենալ երկրում» (հատված 23):

Բեթլեհեմում Մարիամն «իր անդրանիկ որդին ծնեց և պատեց խանձարուներով և մտորի մեջ դրավ» (Ղուկաս 2.7):

ՀՂՈՒՄՆԵՐ

1. Քվենթին Լ. Քուք, «Անձնական խաղաղությունն արդարակեցության պարզն է», *Լիստնես*, մայիս 2013, 35:
2. Լինդա Ս. Ռիվս, «Հայցեք ձեր ուխտերի օրհնությունները», *Լիստնես*, նոյ. 2013, 120:
3. Ռիչարդ Գ. Սքոթ, «Տան խաղաղության համար», *Լիստնես*, մայիս 2013, 29:

Խորհե՛ք այս մասին
Ի՞նչ ուղիներով է Փրկիչը խաղաղություն բերել ձեր կյանք: